



Broj: 01-73 /11
Vareš, 31.03. 2011. godine

Z A P I S N I K
s 26. sjednice Općinskog vijeća Vareš,
održane 24.02. 2011. godine

Josip Malbašić – predsjedavajući Općinskog vijeća Vareš, otvorio je 26. sjednicu s početkom u 9,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Jelena Kuhač Odenwald, Ešref Likić, Ivan Lučić, Josip Malbašić, Željko Matić, Mario Mirčić, Majda Muftić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Odsutni: Nema

Pored vijećnika sjednici prisustvuju: Općinski načelnik Hamdo Fatić, sekretar Općinskog vijeća Leon Pavlović, pomoćnici općinskog načelnika, predsjednici političkih stranaka, Komandir PS Vareš Meho Bajrić, predstavnici OSCE-a Terenski ured Zenica Joohana Kisielak i Dragan Vuković i predsjednik MZ Vareš Enver Fetišević.

Sekretar Općinskog vijeća izvijestio je Vijeće o realizaciji Zaključaka s 25. sjednice OV održane dana 27.01.2011. godine i dostavljenim odgovorima na vijećnička pitanja. Općinsko vijeće na 25. sjednici donijelo je 10 Zaključaka i usvojilo 1 Prijedlog. Od tog broja 6 Zaključaka i 1 Prijedlog su realizovani, a 4 Zaključka su u toku realizacije. Na istoj sjednici postavljeno je 5 vijećničkih pitanja. Na 4 pitanja nadležna služba je dostavila pismeni odgovor podnosiocu pitanja, a na jedno pitanje koje se odnosi na poštivanje i realizaciju Programa rada OV, postavljeno od strane vijećnika Džeme Kevrić, općinski načelnik će najvjerovatnije dati usmeni odgovor.

Općinski načelnik Hamdo Fatić u okviru aktuelne problematike na području općine Vareš, za današnju sjednicu nije imao obraćanje Općinskom vijeću.

Predsjedavajući OV pozvao je vijećnike koji nisu zadovoljni dobivenim odgovorima na postavljena vijećnička pitanja da se izjasne.

Nije bilo primjedbi na dobivene odgovore od strane vijećnika.

(Vijećnička pitanja)

Jelena Zlobec

1. Rješenja za naplatu komunalne naknade i građevinskog zemljišta, donesena na osnovu Zakona o komunalnim djelatnostima ZE-DO kantona i Odluka Općinskog vijeća, dostavljaju se građanima općine Vareš. Traži da se provjeri da li je Općina Vareš jedina Općina koja izdaje takva Rješenja i ako jeste da se vidi mogućnost da se donesene Odluke na osnovu kojih se izdaju Rješenja povuku?

Tajiba Brkić

2. Da li se mogu očistiti lokalni putevi od odrona, jer su se prilikom otapanja snijega na pojedinim dijelovima lokalnih puteva pojavili odroni?

Elvir Rožajac

3. Traži da se hitno interveniše na rješavanju problema puta kroz Tunel, jer postoje rupe na putu koje sprečavaju siguran saobraćaj manjih vozila. Tko odgovara za sigurnost građana kada prolaze kroz Tunel?
4. Traži da se skrene pažnja „TRD Vareš“ o izvozu šljake koja građanima Vareš Majdana pričinjava jako neprijatan miris i prašinu i da se interveniše po tom pitanju?

Ivan Lučić

5. Pitanje upućeno Općinskom načelniku i pomoćniku načelnika za prostorno uređenje i obnovu - Zašto se ne koristi Poslovnička mogućnost i ne odgovori se usmeno na postavljeno vijećničko pitanje? (pitanje vezano za diskusiju i postavljeno vijećničko pitanje vijećnice Jelene Zlobec).

Džemo Kevrić

Traži da me se odgovori na postavljeno vijećničko pitanje na 25. sjednici OV, vezano za kašnjenje sa tačkama dnevnog reda koje su planirane Programom rada OV za 2011. godinu?

6. Da li će zaostale vijećničke naknade koje terete budžet biti na teret tekuće godine i da li se može realizovati ono što tereti 2010. godinu u 2010. godini, jer nema potrebe prikazivati sredstva u realizaciji i opterećivati konto naknada za vijećnike u 2011. godini, ako će biti prikazana ova sredstva koja će se realizovati i u 2011. godini i zaostatak od 2010. godine?

Ismet Abdulahović

7. Koliki je bio prihod Općine Vareš od naplate naknada za stambeno zemljište (obveznicima rješenja dijeljena prije tri godine) i je li se poboljšala naplata spomenute naknade?

Predsjedavajući OV obavijestio je Vijeće da su na današnjoj sjednici OV prisutni predstavnici OSCE-a Terenski ured Zenica Joohana Kisielak i Dragan Vuković i da je poslanik Skupštine ZDK Fahrudin Brkić obavijestio Vijeće o nemogućnosti prisustva na današnjoj sjednici OV zbog bolesti.

Predsjedavajući OV stavio je na raspravu zapisnik sa 25. sjednice OV.

Nije bilo primjedbi i predsjedavajući OV stavio je na izjašnjanje zapisnik sa 25. sjednice OV i nakon izjašnjanja vijećnika konstatovao da je **zapisnik sa 25. sjednice OV jednoglasno usvojen.**

Na raspravu je stavljen prijedlog dnevnog reda iz poziva za 26. sjednicu OV.

Nije bilo primjedbi niti prijedloga za izmjenu dnevnog reda današnje sjednice OV

Predsjedavajući OV stavio je na izjašnjanje prijedlog dnevnog reda iz poziva za 26. sjednicu OV i nakon izjašnjanja vijećnika konstatuje da je **jednoglasno usvojen**
s l i j e d e ć i

D n e v n i r e d

1. **Prijedlog Odluke o usvajanju Programa razvoja zaštite i spašavanja ljudi i materijalnih dobara od prirodnih i drugih nesreća za područje općine Vareš.**
2. **Prijedlog Odluke o radnom vremenu u određenim djelatnostima.**
3. **Izvještaj o radu PS Vareš sa ocjenom stanja bezbjednosti za period I-XII 2010. godine.**
4. **Strategija razvoja lokalnih cesta općine Vareš za period od 2011. do 2021. godine.**
5. **Izvještaj o realizaciji Programa rada Općinskog vijeća Vareš za 2010. godinu.**
6. **Informacija o stanju i podacima usluga koje pruža Centar za pružanje usluga građanima za 2010. godinu.**
7. **Informacija o projektima obnove stambenih objekata na području općine Vareš u 2010. godini.**
8. **Informacija o planiranim i realizovanim aktivnostima u oblasti turizma na području općine Vareš.**
9. **Informacija o stanju u oblasti privrede i problemima u oblasti zapošljavanja posebno kadrova sa visokom i višom školskom spremom.**
10. **Tekuća pitanja**

Ad. 1.

(Prijedlog Odluke o usvajanju Programa razvoja zaštite i spašavanja ljudi i materijalnih dobara od prirodnih i drugih nesreća za područje općine Vareš)

Komisija za statutarna pitanja i propise jednoglasno je prihvatila Prijedlog Odluke o usvajanju Programa razvoja zaštite i spašavanja ljudi i materijalnih dobara od prirodnih i drugih nesreća za područje općine Vareš, s tim da se ispred preambule doda zaglavlje Općine Vareš- Memorandum, ispod zaglavlja da se doda mjesto gdje će se upisati broj Odluke i datum, a brišu riječi iza člana 3. "Broj:01- ___/11" i "Vareš, ___ .2011. god. Da se u članu 1. u prvom redu riječi "Donosi se Odluka o usvajanju Programa" zamijene sa riječima "Usvaja se Program ", u drugom redu iza riječi "Vareš," dodaju riječi " za period od 2011-2016. godine." a brišu riječi "koji se nalazi u prilogu ove Odluke i čini njen sastavni dio".

Iza člana 2. dodaje se novi član 3. koji glasi " Sastavni dio ove Odluke je Program razvoja zaštite i spašavanja ljudi i materijalnih dobara od prirodnih i drugih nesreća za područje općine Vareš".

Dosadašnji član 3. postaje član 4.

Predsjedavajući OV izvijestio je Vijeće da je predlagač prihvatio primjedbe Komisije i sa su one postale sastavni dio Prijedloga Odluke o usvajanju Programa razvoja zaštite i spašavanja ljudi i materijalnih dobara od prirodnih i drugih nesreća za područje općine Vareš.

Ispred predlagača Željko Franjić dao je dodatno obrazloženje za ovu tačku dnevnog reda i upoznao Vijeće sa tehničkim i terminološkim greškama u tekstu Programa koje treba ispraviti.

Otvorena je rasprava u kojoj su svoje prijedloge, primjedbe i sugestije iznijeli vijećnici: Elvir Rožajac, Ismet Abdulahović, Jasmin Salketić, Tajiba Brkić, Ivan Lučić, predsjednik HDZ Zdravko Marošević i predsjedavajući OV Josip Malbašić koji je predložio predlagaču da se Prijedlog Programa vrati u formu Nacrta, da se primjedbe iznesene od strane Komisije za statutarna pitanja i propise uvrste u Program, primjedbe iznesene na današnjoj sjednici razmotre i one koje zaslužuje da se ugrade u tekst i kao takav da se u formi Prijedloga razmatra na narednoj sjednici OV.

Ispred predlagača Željko Franjić izjasnio se da prihvata predloženi prijedlog da se Prijedlog Odluke o usvajanju Programa razvoja zaštite i spašavanja ljudi i materijalnih dobara od prirodnih i drugih nesreća za područje općine Vareš, na današnjoj sjednici OV razmatra u formi Nacrta.

Zaključena je rasprava i predsjedavajući OV predložio je Općinskom vijeću da prihvati Nacrt Odluke o usvajanju Programa razvoja zaštite i spašavanja ljudi i materijalnih dobara od prirodnih i drugih nesreća za područje općine Vareš uz slijedeći

Zaključak:

- Nacrt Odluke o usvajanju Programa razvoja zaštite i spašavanja ljudi i materijalnih dobara od prirodnih i drugih nesreća za područje općine Vareš u osnovi predstavlja solidnu osnovu za izradu Prijedloga akta i s tim da predlagač uvažavajući primjedbe i tehničke, jezičke i terminološke popravke izrečene na današnjoj sjednici Općinskog vijeća, pripremi Prijedlog Programa razvoja zaštite i spašavanja ljudi i materijalnih dobara od prirodnih i drugih nesreća za područje općine Vareš do naredne sjednice OV.

Nakon izjašnjavanja vijećnika predsjedavajući konstatuje da je **jednoglasno usvojen predloženi Zaključak.**

Ad. 2.

(Prijedlog Odluke o radnom vremenu u određenim djelatnostima.)

Komisija za statutarna pitanja i propise jednoglasno je prihvatila Prijedlog Odluke o radnom vremenu u određenim djelatnostima, s tim da se ispod „Memoranduma“ doda mjesto gdje će se upisati broj Odluke i datum, a da se na zadnjoj strani brišu riječi „Broj: 01-___/11“ i „Vareš, ____ .2011. godine“, u preambuli u zadnjem redu da se riječi „donijelo je“ zamijeni sa riječju „donosi“ i da se u nazivu Odluke riječ „ODLUKA“ zamijeni sa riječju „ODLUKU“ ostali tekst ostaje isti.

Ispred predlagača Jadranka Radoš dala je obrazloženje za ovu tačku dnevnog reda.

Otvorena je rasprava u kojoj su učestvovali vijećnici: **Ivan Lučić** u ime Kluba vijećnika SDP zatražio je pojašnjenje člana 18. i kaznenih odredbi, također je zatražio da predlagač upozna Vijeće o uveženim sugestijama Komisije i uložio je slijedeće **amndmane**:

- **da se u članu 3. Prijedloga Odluke o radnom vremenu u određenim djelatnostima izbace riječi „iz oblasti trgovine“,**
- **da se u članu 14. kod kriterija doda treća alineja koja glasi „da uredno i na vrijeme izvršava svoje zakonske obaveze“,**
- **da se u članu 16. stav 2. izbace riječi „ukoliko je konstituisan“,**

Vijećnik **Džemo Kevrić** predložio je:

- **da se u članu 14. stav 3. dodaju riječi „ izvršava redovnu i kontinuiranu uplatu“,**
- **da se razmotri mogućnost kuda idu sredstva koja su se eventualno naplaćivala po dosadašnjoj Odluci i kuda će ići sredstva koja se naplate po novoj Odluci.**

U raspravi su još učestvovali predsjednik HDZ Zdravko Marošević, predsjedavajući OV Josip Malbašić i predstavnik predlagača Jadranka Radoš koja je odgovorila na postavljena pitanja u raspravi, upozнала Vijeće sa uvaženim sugestijama i izjasnila se o predloženim amandmanima.

Ispred predlagača Jadranka Radoš prihvatila je predložene amandmane:

- **da se u članku 20. iza točke 1. dodaju riječi ukoliko se prekršaj ponovi u roku od 12 mjeseci kaznit će se pravno lice novčanom kaznom u iznosu od 1000 do 5000 KM,**
- **drugi stav dodaju riječi ukoliko se prekršaj isti ponovi u roku od 12 mjeseci kaznit će se fizičko lice kaznom od 300 do 1500 KM,**
- **da se u članu 14. doda treća alineja koja glasi „da uredno i na vrijeme izvršava svoje zakonske obaveze“.**

Predloženi amandman na član 3. Prijedloga odluke o radnom vremenu u određenim ugostiteljskim objektima, ispred predlagača Jadranka Radoš nije prihvatila.

Predsjedavajući OV konstatuje da su vijećnici koji su iznijeli svoje primjedbe i predložili amandmane prihvatili stav predstavnika predlagača i da su uvažene primjedbe i prihvaćeni amandmani postali sastavni dio Prijedloga Odluke o radnom vremenu u određenim djelatnostima.

Predsjedavajući OV stavio je na izjašnjanje Prijedlog Odluke i nakon izjašnjanja vijećnika konstatuje da je sa **21 glasom „ZA“ jednoglasno usvojena**

**Odluka o radnom vremenu
u određenim djelatnostima.**

Ad. 3.

*(Izveštaj o radu PS Vareš sa ocjenom stanja
bezbjednosti za period I-XII 2010. godine.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su učestvovali vijećnici: Elvir Rožajac, Ismet Abdulahović, Željko Matić, Tajiba Brkić, Džemo Kevrić, predsjednik HDZ Zdravko Marošević i pomoćnik načelnika Rusmir Berberović.

Vijećnik Džemo Kevrić predložio je da u kod navedenih prijedloga mjera Izveštaju doda još jedan prijedlog koji glasi „ **kontrola neregistrovanih vozila na putu**“.

Zaključena je rasprava i predsjedavajući OV pozvao je Komandira PS Vareš da odgovori na postavljena vijećnička pitanja u raspravi i izjasni se ako je u mogućnosti o prijedlogu vijećnika Džeme Kevrić.

Predlagač Komandir PS Vareš Meho Bajrić odgovorio je na postavljenja vijećnička pitanja u raspravi i u vezi prijedloga vijećnika Džeme Kevrić izvijestio je Vijeće da PS Vareš svakodnevno radi na tom planu i da policijske patrole obilaze rubna područja općine Vareš.

Komandir PS Vareš izvijestio je prisutne da je saradnja građana općine Vareš i PS Vareš na zavidnom nivou, te još jednom pozvao vijećnike i građane na maksimalnu saradnju.

Predsjedavajući OV je na osnovu sprovedene rasprave predložio da Vijeće prihvati Izveštaj, te nakon izjašnjavaanja vijećnika konstatuje da je **jednoglasno usvojen**

***Izveštaj o radu PS Vareš sa ocjenom stanja
bezbjednosti za period I-XII 2010. godine.***

Ad. 4.

*(Strategija razvoja lokalnih cesta općine
Vareš za period od 2011-2021. godine.)*

Komisija za obnovu i kapitalna ulaganja jednoglasno je prihvatila Strategiju razvoja lokalnih cesta općine Vareš za period od 2011-2021. godine uz slijedeće

Zaključke:

1. Komisija za obnovu i kapitalna ulaganja predlaže da se dokument «Strategija razvoja lokalnih cesta općine Vareš za period 2011. do 2021. godine» na sjednici OV razmatra u formi Nacrta, te da se o istoj obavi javna rasprava uz učešće organa Mjesnih zajednica.
2. Da ovlašteni predlagač na sjednici OV, u dodatnom obrazloženju iznese prijedloge i sugestije koje su date na sjednici Komisije kao i to da se izvrše tehničke, terminološke greške i poboljša tekstualni dio Strategije.
3. Da se u Strategiji razvoja lokalnih cesta navede potpuno izražena i vidljiva finansijska konstrukcija, tj. da bude naveden plan prihoda i rashoda.

4. Komisija sugeriše Općinskom načelniku i nadležnim službama da ubuduće kod upućivanja prijedloga OV za kapitalna ulaganja i obnovu bez obzira sa kojeg nivou vlasti oni dolazili, obavezno se prije upozna i Komisija.

Ispred predlagača Ermin Musa dao je obrazloženje za ovu tačku dnevnog reda, upoznao Vijeće sa iznesenim primjedbama i sugestijama na sjednici Komisije za kapitalna ulaganja i obnovu, te sa Zaključcima Komisije.

Predsjedavajući OV je konstatovao da je predlagač prihvatio Zaključke Komisije i Zaključak da se Strategija na današnjoj sjednici razmatra u formi Nacrta, te je predložio
Zaključak o izmjeni tačke 4. dnevnog reda 26. sjednice OV:

- Predlaže se Općinskom vijeću da uvaži sugestiju Komisije za kapitalna ulaganja i obnovu i prihvatanje predlagača da se Strategija razvoja lokalnih cesta općine Vareš za period 2011-2021. godine razmatra u formi Nacrta.

Nakon izjašnjavanja vijećnika predsjedavajući OV konstatuje da je predloženi Zaključak o izmjeni tačke 4. dnevnog reda sa **21 glasom „ZA“ jednoglasno usvojen.**

Otvorena je rasprava u kojoj su učestvovali vijećnici: Milan Knežević, Ivan Lučić, Elvir Rožajac, Dženana Bešić, Džemo Kevrić, Tajiba Brkić, Mato Pavić, predsjedavajući OV Josip Malbašić, pomoćnika načelnika Ermin Musa i predsjednik stranke HDZ Zdravko Marošević.

Vijećnik Ivan Lučić predložio je

Zaključke:

1. **Da se dokument Nacrt Strategije razvoja lokalnih cesta općine Vareš za period 2011-2021. godine uputi u sve Mjesne zajednice općine Vareš.**
2. **Da do 01.04. 2011. godine nadležna služba Općine Vareš dostavi Kantonalnoj direkciji za ceste prijedlog za kategorizaciju, odnosno uvrštavanje puteva koji zaslužuju da budu lokalni putevi.**
3. **Da se po povratu odluke ili rješenja oko kategorizacije puteva, od strane Kantonalne direkcije za ceste, izvrši dopuna Strategije razvoja lokalnih cesta općine Vareš za period 2011-2021. godine sa uvrštavanjem lokalnih puteva i ulica koji nisu uvršteni a zaslužuje da budu uvršteni u Strategiju.**

Predsjedavajući OV predložio je Vijeću

Preporuku:

- da se ne ide sa pojedinačnim nabravljenjem puteva, nego da nadležna služba proširi Strategiju sa svim nekategorizovanim putevima, s tim što će u skladu sa kriterijima koje usvojila i na koje je obavezuje član 22. Zakona o cestama, planirati preciznije u kojem će se razdoblju raditi nešto na određenim putevima, a sve to će se kroz naredni četverogodišnji plan još temeljitije i preciznije razraditi.

Zaključene je rasprava i predsjedavajući OV predložio je OV

Zaključke:

1. **Općinsko vijeće zaključuje da predloženi Nacrt Strategije razvoja lokalnih cesta općine Vareš za period 2011-2021. godine sa stavovima Komisije za kapitalna ulaganja i obnovu i stavovima vijećnika iznesenih na 26. sjednici OV, predstavlja dobru osnovu za izradu Prijedloga, i da isti ide na javnu raspravu u trajanju od 30 dana. Nosilac pripreme i provođenja javne rasprave su Općinski načelnik i nadležna služba, te da se po završetku javne rasprave na osnovu rezultata javne rasprave i rasprave sa 26. sjednice OV, utvrdi Prijedlog Strategije i podnese**

Izvještaj o sprovedenoj javnoj raspravi. Prijedlog dostaviti za narednu sjednicu OV.

- 2. Da općinski načelnik uputi nadležnom Ministarstvu pismo u kojem bi upozorio na nedostajući Pravilnik i da zatraži njegovo žurno donošenje koji bi omogućio realizaciju ovog Zakona.**

Nije bilo primjedbi na predložene Zaključke i predsjedavajući OV stavio je na izjašnjavanje predložene Zaključke.

Nakon izjašnjavanja vijećnika predsjedavajući OV konstatuje da su predloženi Zaključci sa **20 glasova „ZA“ jednoglasno usvojeni.**

Ad. 5.

*(Izvještaj o realizaciji Programa rada
Općinskog vijeća Vareš za 2010. godinu.)*

Sekretar OV Leon Pavlović obrazložio je ovu tačku dnevnog reda.

Otvorena je rasprava u kojoj su učestvovali vijećnici: Elvir Rožajac i Džemo Kevrić.

Zaključena je rasprava i predsjedavajući OV je stavio na izjašnjavanje Izvještaj o realizaciji Programa rada Općinskog vijeća Vareš za 2010. godinu sa predloženim Zaključcima koji su sastavni dio Izvještaja.

Nakon izjašnjavanja vijećnika predsjedavajući OV konstatuje da je sa **20 glasova „ZA“ jednoglasno usvojen**

***Izvještaj o realizaciji Programa rada
Općinskog vijeća Vareš za 2010. godinu.***

Ad. 6.

*(Informacija o stanju i podacima usluga koje
pruža Centar za pružanje usluga građanima za 2010. godinu.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su učestvovali vijećnici: Elvir Rožajac, Džemo Kevrić i predsjedavajući OV Josip Malbašić.

Zaključena je rasprava i predsjedavajući OV stavio je na izjašnjavanje Informaciju o stanju i podacima usluga koje pruža Centar za pružanje usluga građanima za 2010. godinu.

Nakon izjašnjavanja vijećnika predsjedavajući OV konstatuje da je sa **20 glasova „ZA“ jednoglasno usvojena**

***Informacija o stanju i podacima koje pruža
Centar za pružanje usluga građanima za 2010. godinu.***

Ad. 7.

*(Informacija o projektima obnove stambenih
objekata na području općine Vareš u 2010. godini.)*

Komisija za obnovu i kapitalna ulaganja jednoglasno je prihvatila Informaciju o projektima obnove stambenih objekata na području općine Vareš u 2010. godini.

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su učestvovali vijećnici: Elvir Rožajac, Nikola Šimić, Mato Pavić i pomoćnik načelnika Ermin Musa.

Zaključena je rasprava i predsjedavajući OV stavio je na izjašnjanje Informaciju i

Zaključak:

- Da do 10. 03. 2011. godine općinski načelnik i nadležna Služba realizuju usvojene Zaključke vezane za ovu oblast.

Nakon izjašnjanja vijećnika predsjedavajući OV konstatuje da je sa **19 glasova „ZA“ jednoglasno usvojen predloženi Zaključak i**

Informacija o projektima obnove stambenih objekata na području općine Vareš u 2010. godini.

Ad. 8.

(Informacija o planiranim i realizovanim aktivnostima u oblasti turizma na području općine Vareš.)

Predlagač nije imao dodatno obrazloženje za ovu tačku dnevnog reda,

Po ovoj tački dnevnog reda nije bilo rasprave i predsjedavajući OV stavio je na izjašnjanje Informaciju o planiranim i realizovanim aktivnostima u oblasti turizma na području općine Vareš.

Nakon izjašnjanja vijećnika predsjedavajući OV konstatuje da je sa **19 glasova „ZA“ i 1 SUZDRŽANIM glasom usvojena**

Informacija o planiranim i realizovanim aktivnostima u oblasti turizma na području općine Vareš.

Ad. 9.

(Informacija o stanju u oblasti privrede i problemima u oblasti zapošljavanja posebno kadrova sa visokom i višom školskom spremom.)

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su učestvovali vijećnici: Elvir Rožajac, Džemo Kevrić, Mario Mirčić, Kenan Kamenjaš, općinski načelnik Hamdo Fatić, predsjedavajući OV Josip Malbašić i pomoćnik načelnika Rusmir Berberović.

Zaključena je rasprava i predsjedavajući OV predložio je Vijeću da usvoji Informaciju uz

Zaključke:

- 1. Preporučuje se Općinskom načelniku i nadležnoj Službi da u saradnji sa Zavodom za zapošljavanje – općinska ispostava Vareš, iskoriste mogućnost upošljavanja volontera bez obzira na stepen stručne spreme na području općine Vareš, kad god se ukaže prilika za to.**

2. **Da se žurno uputi preporuka Nadzornim odborima Javnih preduzeća i Upravnim odborima Javnih ustanova sa ovakvim sadržajem i da se i oni uključe u ovu aktivnost.**
3. **Da općinski načelnik i predsjedavajući OV obave razgovore sa vlasnicima privatnih preduzeća na području općine Vareš i da razmotre mogućnost ovakvog (volonterskog) zapošljavanja kod ovih poslodavaca.**

Za riječ se javio predsjednik stranke SDA Sadudin Numanović koji je predložio Zaključak - Da općinski načelnik vidi mogućnost da Vlada ZDK smanji kriterije u vezi zapošljavanja volontera i pripravnika srednje, više i visoke spreme.

Predsjedavajući OV ponovo je otvorio raspravu u kojoj je učestvovala vijećnica: Jelena Zlobec.

Predsjedavajući OV zaključio je dopunsku raspravu i na osnovu te rasprave predložio je

Zaključak:

4. **Da nadležna Služba izanalizira Vladine kriterije za volontiranje i ukoliko smatra shodno, ispred Općinskog načelnika uputi nadležnom Ministarstvu Prijedlog za izmjene tih kriterija.**

Predsjedavajući OV stavio je na izjašnjavanje predložene zaključke i Informaciju o stanju u oblasti privrede i problemima u oblasti zapošljavanja posebno kadrova sa visokom i višom školskom spremom.

Nakon izjašnjavanja vijećnika predsjedavajući OV konstatuje da su sa **19 glasova „ZA“ jednoglasno usvojeni predloženi Zaključci i**

Informacija o stanju u oblasti privrede i problemima u oblasti zapošljavanja posebno kadrova sa visokom i višom školskom spremom

A.d. 10.

(Tekuća pitanja.)

1. Predsjedavajući OV upoznao je Vijeće da je grupa građana općine Vareš (Jojić Milenko, Jojić Sreten, Batvić Ljubomir, Pejčinović Tihomir i Terzić Vlatko) uputila dopis Općinskom vijeću i Općinskom načelniku kojim traže pomoć u zaštiti privatne imovine od pasa lotalica koji napadaju njihovu imovinu.

Općinski načelnik izvijestio je Vijeće i smatra da trenutno nema problema u vezi pasa lotalica ali ne garantuje da ih neće biti i podsjetio je da se u Rakovici radi prihvatilište za pse lotalice. Mišljenja je da je rješenje ovog problema sa psima lotalicama u tome da se psi lotalice sa općine Vareš moraju udomiti u prihvatilištu za napuštene životinje u Rakovici, jer općina Vareš nema finansijskih sredstava da sama uradi takvo jedno prihvatilište u svojoj općini.

Otvorena je rasprava u kojoj su učestvovali vijećnici: Elvir Rožajac, Jelena Zlobec, Ivan Lučić, Jasmin Salketić i predsjedavajući OV Josip Malbašić.

Zaključena je rasprava i predsjedavajući OV je konstatovao da se slični problemi dešavaju i u drugim područjima naše općine i predložio je

Zaključak:

- **Evidentno je da problem sa psima lotalicama povremeno eskalira i da bi mogao proizvesti velike štete na području općine Vareš, i u vezi toga traži se od Općinskog načelnika da žurno nađe privremeno rješenje za ovu situaciju.**

Nakon izjašnjavanja vijećnika predsjedavajući OV konstatuje da je predloženi Zaključak sa **19 glasova „ZA“ jednoglasno usvojen.**

2. Predsjedavajući OV upoznao je prisutne sa sadržajem dopisa mještana iz Ul. Pruga Vareš u kome traže rješavanje problema na javnom putu, tj. Ulicu Pruga koja je obrasla raslinjem koje ugrožava saobraćaj vozilima i nesmetano kretanje pješaka.

Dopis je upućen i Općinskom načelniku.

Željko Franjić pomoćnik načelnika za Civilnu zaštitu izvijestio je Vijeće da je upoznat sa spomenutim problemom i da je obavljen razgovor između nadležne službe i mještana Ul. Pruga u vezi načina rješavanja ovog problema.

Predsjedavajući OV je konstatovao da je nadležna služba dogovorila način rješavanja problema i naglasio da nadležna služba može predlagati način rješavanja problema, a građani pojedinačno ili preko svojih Savjeta predlagati Inicijative.

3. Predsjedavajući OV podsjetio je prisutne na Zapisnik Komisije za gospodarstvo, financije i proračun o pokretanju Inicijative za održavanje Tematske sjednice OV. Komisija je donijela Prijedlog da Općinsko vijeće u svoj Program rada za 2011. godinu predvidi održavanje Tematske sjednice radi razmatranja situacije u gospodarstvu općine Vareš na temu: „Analiza efekata izvršene privatizacije poduzeća u državnom vlasništvu na području općine Vareš“.

Predsjedavajući OV stava je da bi Tematska sjednica usvojena Programom rada OV za 2011. godinu bila nepotpuna bez ovoga što predlaže Komisija za gospodarstvo, financije i proračun i stoga je predložio da Vijeće prihvati Inicijativu Komisije i da se na planiranoj Tematskoj sjednici OV održi i rasprava na temu koju je predložila Komisija.

Otvorena je rasprava u kojoj su učestvovali vijećnici: Dženana Bešić, Milan Knežević, Džemo Kevrić i predsjedavajući OV Josip Malbašić.

Zaključena je rasprava i predsjedavajući OV predložio je

Zaključak:

- Predlaže se Općinskom Vijeću da usvoji Inicijativu Komisije za gospodarstvo, financije i proračun o održavanju Tematske sjednice na temu „Analiza efekata izvršene privatizacije poduzeća u državnom vlasništvu na području općine Vareš“.

Sjednica će se održati u terminu predviđenom za održavanje Tematske sjednice na temu: „Stanje financija Općine Vareš, saniranje gubitaka i način trošenja proračunskih sredstava za period 2006-2010. godina, kao druga tačka dnevnog reda a nositelj pripreme je Općinski načelnik, Služba za gospodarstvo i financije i Komisija za gospodarstvo, financije i proračun.

Nakon izjašnjavanja vijećnika predsjedavajući OV konstatuje da je predloženi Zaključak sa **19 glasova „ZA“ jednoglasno usvojen.**

4. Predsjedavajući OV podsjetio je prisutne na Inicijativu BPS Sefer Halilović BiH – OO Vareš o terminu održavanja sjednica Općinskog vijeća Vareš.

Predsjedavajući OV upoznao je prisutne da je OV dobilo pismene odgovore svih Klubova OV i Općinskog načelnika i da su svi vijećnici preko svojih Klubova upoznati sa istim.

Predsjedavajući OV, iz odgovora Klubova na Inicijativu BPS, konstatovao je da se Inicijativa u cijelosti ne prihvata, odnosno da se traži da se sjednice OV održavaju u terminu kao i do sada s tim da se insistira da Općinski načelnik kao ovlašteni rukovodilac organa uprave vodi računa o zakonitosti finansijskog dijela, odnosno da se naknade isplaćuju u skladu sa Zakonom.

Otvorena je rasprava u kojoj su učestvovali vijećnici: Ivan Lučić, Džemo Kevrić, Elvir Rožajac, Jasmin Salketić, Mario Mirčić, Jelena Zlobec, predsjedavajući OV Josip Malbašić i predsjednik stranke SDA Sadudin Numanović.

Zaključena je rasprava i predsjedavajući OV stavio je Inicijativu BPS na glasanje.

Nakon izjašnjavanja vijećnika predsjedavajući OV konstatuje da sa **7 glasova „ZA“, 9 glasova „PROTIV“ i 3 „SUZDRŽANA“ glasa Inicijativa BPS nije usvojena.**

5. Predsjedavajući OV upoznao je prisutne sa da je Općinsko vijeće dobilo Informaciju o poduzetim mjerama i radnjama koje se odnose na preduzeće JKP d.o.o. Vareš, a u vezi sa obavještenjem dostavljenim iz PS Vareš i upoznao je prisutne sa dijelom Informacije od PS Vareš.

Predsjedavajući OV predložio je Vijeću

Zaključak:

- **Pošto još ništa nije zvanično okončano u vezi ovog slučaja, jer se predmet nalazi u Kantonalnom tužilaštvu, Vijeće na današnjoj sjednici neće raspravljati o ovoj temi, a da se o ovome raspravljati kad Vijeće dobije postupke od nadležnog tužilaštva.**

Nakon izjašnjavanja vijećnika predsjedavajući OV konstatuje da je predloženi Zaključak sa **19 glasova „ZA“ jednoglasno usvojen.**

6. Predsjedavajući OV podsjetio je prisutne da je Kolegij OV u ime vijećnika prihvatio učešće u projektu Udruženja Bonaventura sa nazivom „24 slike provedbe GAP-a u Bosni i Hercegovini – ravnoteža učešća žena i muškaraca u političkom i javnom životu.“

Vijećnici su preko svojih Klubova upoznati sa molbom da se traženi podaci sa kojima raspolažu dostave. Predsjedavajući OV još jednom je zamolio Vijeće na saradnju u vezi dostave traženih podataka.

7. Predsjedavajući OV upoznao je prisutne da je na Kolegiju OV dogovoreno da se vijećnici upoznaju sa aktom Skupštine ZDK u kome se traži dostava prijedloga Programa rada Skupštine ZDK za 2011. godinu.

Predsjedavajući OV pozvao je vijećnike da iznesu svoje prijedloge, koje bi Vijeće predočilo Skupštini ZDK:

Nije bilo prijedloga od strane vijećnika.

8. Vijećnica Jelena Zlobec skreće pažnju i traži da se provjeri da li je tačno da je dio Doma zdravlja Vareš (Stacionar u Vareš Majdanu) u vlasništvu Sindikata i da je za isti raspisan tender o prodaji.

Općinski načelnik upoznao je Vijeće da se kroz Projekt „ODRAZ-a“ trebao renovirati Radnički dom i tada je općina Vareš Ugovorom sindikatima u zamjenu dala Stacionar. Za to postoje i Odluke OV. Podsjetio je da je u Ugovoru navedeno da Sindikat u Vareš Majdanu u zgradi Stacionara pravi hotel poluzatvorenog tipa.

Također je napomenuo da je Radnički dom u grunтовnici prenesen na Općinu Vareš i da je i Stacionar upisan trenutno kao vlasništvo Općine Vareš i da Sindikat nema nikakva ovlaštenja kad je u pitanju prodaja Stacionara.

9. Vijećnik Ivan Lučić podsjetio je na Zaključke Vijeća u vezi javne rasvjete i njenog uvođenja u sistem komunalnih djelatnosti i ponovo predložio

Zaključak:

- **Traži se od Općinskog načelnika da se izjasni, ukoliko ne može do 01.05.2011. godine, javnu rasvjetu uvesti u sistem komunalnih djelatnosti, da postupi u skladu sa članom 9. Zakona o komunalnim djelatnostima, a to je da traži drugog izvođača radova na javnoj rasvjeti.**

Vijećnik Ivan Lučić uputio je sugestije Općinskom načelniku:

- **da se građanima općine Vareš putem oglasnih tabli i Radio postaje „Bobovac“ prezentuje izvod iz Zakona o tome što je to komunalna djelatnost.**

- **da se građani općine Vareš obavijeste da se rješavanje problema u vezi pasa lutalica i troškovi pranja ulica u gradu, finansiraju iz sredstava prikupljenih od naplate naknade za komunalnu djelatnost.**

Vijećnik Ivan Lučić zatražio je da se Općinski načelnik o navedenom roku izjasni na današnjoj sjednici, a ako ne može onda da se izjasni do slijedeće sjednice OV.

Vijećnik Ismet Abdulahović javio se za riječ podsjetio je prisutne na rješenja za komunalne naknade koja se dostavljaju građanima općine Vareš i iznio primjedbe i sugestije.

Sugeriše Općinskom načelniku **da je bilo potrebno da se građani obavijeste o podjeli rješenja putem medija, jer zaposleni radnici Općine Vareš koji su dobili obavezu da ta rješenja dostave građanima nailaze na veliko negodovanje građana i susreću se sa problemima i stoga moli da se podjela rješenja obustavi dok se građani ne obavijeste putem medija i predsjednicima kućnih savjeta.**

Predsjedavajući OV pozvao je Općinskog načelnika da se očituje o predloženom roku u prijedlogu Zaključka vijećnika Ivana Lučića.

Općinski načelnik se izjasnio da će na narednoj sjednici OV očitovati o navedenom roku.

10. Vijećnik Mato Pavić ponovo je iznio problem u vezi tunela i djela regionalnog puta koji prolazi kroz tunel.

Za riječ se javio vijećnik Ivan Lučić i predložio

Zaključak:

- **Predlaže se Općinskom načelniku da traži od Ministarstva za komunikacije i Kantonalne direkcije za ceste da dostave podatke koliko je utrošeno sredstava u 2009. i 2010. godini za sanaciju šteta u tunelu.**

Predsjedavajući OV podržao je prijedlog Zaključka vijećnika Ivana Lučić s tim **da se uputi pismo i budućem ministru u kome bi se upozorio na ovu situaciju i na razmišljanja građana općine Vareš i vijećnika OV da se ovdje radi o malverzacijama i pranju novca i tako ih potaknuli da riješe ovaj dosta veliki problem.**

Za riječ se javila vijećnica Majda Muftić i upoznala prisutne o trenutnom stanju puta u tunelu, tj da kanal u tunelu trenutno nije začepljen nego da se velika količina vode nakuplja na putu i stvara velike količine leda koje otežavaju prolazak motornih vozila.

Predsjedavajući OV stavio je na izjašnjavanje predloženi Zaključak i nakon izjašnjavanja vijećnika konstatuje da je predloženi Zaključak sa **19 glasova „ZA“ jednoglasno usvojen.**

Sjednica je završena u 15,00 sati i 30 minuta.

S E K R E T A R

Leon Pavlović

PREDSJEDAVALAČI

Josip Malbašić

ZAPISNIČAR

Azra Ibrahimović